

UVOD

Evropska unija je zajednica dvadeset sedam evropskih država. Oformljena je pod sadašnjim imenom Ugovorom o Evropskoj uniji (više poznatim pod imenom Maastrichtski ugovor) 1993. godine, o kojem će kasnije biti više riječi. Mnogi aspekti Evropske unije su postojali i prije potpisivanja ovog ugovora, preko raznih organizacija oformljenih pedesetih godina dvadesetog vijeka.

Političke aktivnosti Evropske unije se ispoljavaju u mnogim sferama, od politike zdravstva i ekonomske politike do inostranih poslova i odbrane. U zavisnosti od razvijenosti svake zemlje ponaosob, organizacija Evropske unije se razlikuje u različitim oblastima. Definisana je kao federacija u monetarnim odnosima, agrokulturi, trgovini i zaštiti životne sredine; konfederacija u socijalnoj i ekonomskoj politici, zaštiti potrošača, unutrašnjoj politici; i kao međunarodna organizacija u spoljnoj politici.

Glavna oblast na kojoj Evropska unija počiva je jedinstveno tržište koje se bazira na carinskoj uniji, jedinstvenoj moneti (evro), zajedničkoj agrokulturnoj politici i zajedničkoj politici u sferi ribarstva, o čemu će, takođe, kasnije biti više riječi.

U radu će se obraditi i važniji organi Evropske unije, donošenje propisa u okviru Evropske unije, kao i važnije uredbe koje je Evropska unija donijela iz oblasti Međunarodnog privatnog prava.

Drugi dio ćemo posvetiti Haškoj konferenciji za međunarodno privatno pravo. Haška konferencija djeluje pod okriljem Vlade Kraljevine Holandije i krajni cilj ove Konferencije je unifikacija kompletnog međunarodnog privatnog prava. Od 1893. do 1904. godine Haška konferencija je usvojila sedam međunarodnih Konvencija, a šest od njih su zamjenjene modernijim aktima, o čemu će kasnije biti riječi. Statut Haške konferencije donesen je 1955. godine. Godine 1993. usvojena je, povodom sto godina postojanja Haške konferencije, Rezolucija koja definiše cilj te institucije. Bosna i Hercegovina je postala članica Haške konferencije za međunarodno privatno pravo 7. 6. 2001. godine.

Takođe, u radu ćemo obratiti pažnju i na važnije Konvencije Haške konferencije za Međunarodno privatno pravo, Uredbu Evropske unije o pristupanju Haškoj konferenciji, kao i na značaj ove Uredbe za Bosnu i Hercegovinu.